

Section Poésie en prose

EL NORD RINVIQUE (réssussité)

D'puis eine pair' d'années, in s'étot habitués d'vir inl'ver d' nos paysach's, nos terrils aimés. Nos parints, grands parints, avo'nt toudis connu avec fierté ch'monchau d'carbon pad'zeur leu rue.

Ch'est l'sueur d'nos courageux, in étot fiers pou eux.

Et pis sont arrivés d'aut's gins, « des technocrat's . Ch'est eine race à cauchures vernies portant cravat'. « Rentabilité, exploitation.. »qui z'ont dit. In a laissé faire, in n'avot pas tout compris.

L' zautorout's, l'bitume, ch'est là qu'est not'amertume.

Et pis d'aut's gins incor' sont v'nus, « les écolos ». Euss, pas d'cravat', y porto'nt des gros godillots. « Patrimoine, sauv'garde, cadre de vie » qui z'ont dit. In a laissé faire, in n'avot pas tout compris.

Des terrils, des chevalets, grâce à euss sont restés.

Les Parisiens, toudis à l'écout' des potins, s'bousculent pou vir les mauvais pavés dins not' coin. In a bein vu qu'in a tourné sul' carreau d' Raismes, un film d'nos pauvres silicosés tel qu'in les aim'.

Micros et caméras, té v' là r' venu Zola !

Mais sin exagérer l'pus bieu momint d' l'année ch'est quand l' chevalet Dutemple y'est éclairé. Visez, eine tour Eiffel qui brill' de mille feux, les yeux des z'infants s'équarquill'nt de merveilleux.

Y sont là, leus ch' feux pleins d'maclottes, t' nant leu marotte.

Eine bell' région j' vous dis qu'est l'Nord Pas-de-Calais ! et j' mé fous des « Hauts de France » qu'ont voulu canger not' patronyme. Si cha vous dit bonn's gins d'ailleurs qui me lisez, v' nez vous installer, am' nez du travail, d' s' usines.

Les gins d'ichi vous l' rindront pa leur amitié, y z'ont du courach à r'vind plein leur écourché.